

„Serbja su Europjenjo a džěl kulturneho herbstwa“

Budyšin (SN/bn). „Wuhlady na zwoprawdženje nutřkowneho samopostajenja małych ludow w Europskej uniji“ bě hesło zjawneje rozmołwy, zarjadowaneje srjedu wot krajneho džěloweho kruha Serbja w sakskej SPD w Budyskim běrowje stromy. Předsyda poradźowaceho gremija Benedikt Dyrlich witaše přitomnych zajimcow a předstaji skrótka wosebiteho hosća wječora, wjelelětnu zapósłanču Europskeho parlamenta a čłonku wuběrka za regionalne wuwice Constanzu Krehl z frakcije Progresiwna alianca socialdemokratow (S&D). Do diskusije poda předstejićel Budyskeje SPD dr. Měrćin Krawc z něhdže štwórchodžinskim přednoškom na zakładze hesła zarjadowanja swój wid na aktualne položenje Serbow. „Wo potłóčowanju na zbožo wjace rěčeć njetrjebamy, přiwsěm smy wot woprawdžićeje swobody daloko zdaleni. Na přikład nastupajo financowanje a šulstwo smědža Serbja drje próstwje stajić, naposledk pak rozsudža němske gremije. Hinak zwuraznjene mam tuchwilny počah mjez wjetšim a mjeńšim ludom za podobny mjez maćerju a džěsćom. Dajće Serbam so samym wo swoje nutřkowne naležnosće starać! Wuměnenja su hladajo na mjezynarodne prawo wuběrne, jeniče małki politiski

nastork je trěbny.“ Serbski sejm widzi dr. Krawc w tym zwisku jako jednoho z wjacorych akterow, wuraznje pak wón tež wuzběhny, zo „njeńdže nikomu wo awtonomiju abo samostatnosć“. Zhromadnje z Dyrlichom namołwješe Constanzu Krehl, z Brüssela čišć na němske knježer-

stwo wukonjeć a artiklej 22 kaž tež 23 europskeje charty wo samopostajenju ludow konsekwentnje přesadzić.

Constanze Krehl prócowanja „zasadnje wita, dolhož z toho poměry kaž w Katalanskej njewurostu“. Wona přilubi so wo tym wobhonić, hač wobsteji móžnosć, jedne z Němskej přistejacych 22 městnow regionalneho wuběrka za zastupjerja připóznatych mjeńšin rezerwowac. „Mjeńšiny móhli so potom mjez sobu dojednać a poziciju po principje rotacije wobsadzić.“ Dale zapósłanča namjetowaše pruwować, hač njehodža so model Schleswigsko-Holsteinskeje tež w Sakskej a Braniborskej nałožować. „Wěsće w parlamenće zastupjeni Serbja móhli sej wjele wjetšu kedźbnosć zdobyć a tak swoje zajimy zjawnje skutownišo artikulować.“

W čitej diskusiji rozjimachu přitoměni zdžěla kontrowersnje retomas temow, při čimž so prašenje identity jako runje tak wuznamne kaž doskónčnje njerozrisajomne wukopa. Krehl sama wobhladuje so „jako Europjanka, Saksowka a Lipšćanka. Serbja su defintiwnje europski lud a džěl našeho zhromadneho kulturneho herbstwa.“ Rozdžělnje běchu mjez diskutantami měnenja wo tym, što je Serb a što to woznamjenja.



Benjamin Wirth, Constanze Krehl a Měrćin Krawc (wotlěwa) Foto: SN/Hanka Šěnc